

आकाशवाणी

- प्रधानमंत्री नरेंद्र मोदी होरें आखेआ ऐ जे सुधार, कारकरदगी ते बदलाव दे मूल मंत्र सवां प्रेरित होइयै अज्ज भारत दुनिया गी मट्टी विकास दर शा उबडा चुककने च मदद करने दी स्थिति च ऐ।
- प्रधानमंत्री होरें साइंसदानें गी आखेआ ऐ जे ओहू मनुक्खता दे भविक्ख लेई धुर ब्रह्मांड दे ऐसे क्षेत्रें दा पता लान जिंदा अजें तोड़ी कुसै गी पता नेई ऐ।
- गृह मंत्री अमित शाह होर अज्ज नमी दिल्ली च कुल भारती स्पीकर्ज सम्मेलन दा उद्घाटन करडन।
- फिजी दे प्रधानमंत्री सिंटीवेनी राबुका अज्जै थमां भारत दे 3 दिनें दे दौरे पर न।
- भारत नै कजाखस्तान च आयोजित एशियाई नशानेबाजी चैंपियनशिप च मिक्स्ड एअर राइफल दे त्रौनें वर्गें च सुन्ने दा तगमा हासल कीता ऐ।

<><><><><><>

PM-Economy

प्रधानमंत्री नरेंद्र मोदी होरें आखेआ ऐ जे भारत दुनिया दी सब्बने शा तेजिया कन्नै बदारदी मुख्क अर्थबवस्था ऐ ते तौलें गै दुनिया दी त्री सब्बने शा बड्डी अर्थ बवस्था बनी जागं नमी दिल्ली च लग्गे दे इक कार्जक्रम च बोलदे होई श्री मोदी होरें इस गल्ला पर जोर पाया जे भारत अपने पक्के धेइयै ते लचीले रवैये कन्नै दुनिया लेई आस दी इक्क किरण बरोबर ऐ। दिल्ली च इक निजी मीडिया घराने आसेआ आयोजित कार्यक्रम च बोलदे होई श्री मोदी होरें आखेआ जे भारत, पूरी ताकत ते तगड़ेयाई दे कन्नै दुनिया लेई नमिं मेदें दी इक लोऽ दे तौर पर खडोते दा ऐ।

प्रधानमंत्री हारें जोर देइयै आखेआ जे भारत, रिफार्म, परफार्म ते ट्रांसफार्म यानि सुधार, कारकरदगी ते सकारात्मक बदलावें दे मन्तर कन्नै अगगे बधदे होई होरनें मुलखें गी बी मंदी चा बाह् कडुने दी स्थिति च आई पुज्जे दा ऐ।

<><><><><><>

PM-Scientist

प्रधानमंत्री नरेंद्र मोदी होरें साइंसदानें गी अंतरिक्ष दी खोज ताई तैयार रौहने दा आह्वान कीता ऐ। उनें गलाया जे एहू बेपंछानु इलाका मानवता दे भविकख लेई महत्वै आहले रहस्ये कन्नै भरोचे दा ऐ। कल राश्ट्री अंतरिक्ष दिवस दे मौके पर इक वीडियो स्नेह च श्री मोदी होरें आखेआ जे भारत पहले गै चन्न ते मंगल पर पुज्जी गेदा ऐ ते हुन समां आई चुके दा ऐ जे अस खला दे गहरे खेत्तरें दी खोज करचे। प्रधानमंत्री होरें घोषणा कीती जे भारत Semi Cryogenic इंजन ते Electronic propulsion जनेई महत्वें आहलियें तकनीकें च तेजिया कन्नै अगडा बदा करदा ऐ। श्री मोदी होरें गलाया जे स्हाढे साइंसदान दियें समर्पित कोश्टें कन्नै भारत बडे तौले गगनयान मिशन लांच करोग ते औने आहले बःरें च अपना अंतरिक्ष केंद्र बनागा।

<><><><><><>

HM-Speaker

गृह मंत्री अमित शाह होर अज्ज दिल्ली विधानसभा च 2 दिनें दे कुल भारत स्पीकर्ज सम्मेलन दा उद्घाटन करडन। देसै दे पहले निर्वाचित अध्यक्ष दे तौरा पर विठ्ठलभाई पटेल हुंदे आसेआ केंद्री विधानसभा दे अध्यक्ष दा औहदा साम्भने दे शताब्दी बरे दे उपलक्ष्य च इस सम्मेलन दा सरिस्ता कीता जा करदा ऐ। एहदे च 29 राज्य विधानसभाएं दे अध्यक्ष ते 6एं राज्यें दी विधान परिषदे दे सभापति ते उपसभापति हिस्सा लैडन। दिल्ली विधानसभा दे अध्यक्ष विजेंद्र गुप्ता होरें दस्सेआ जे विठ्ठलभाई पटेल हुंदे जीवन, संसदीय योगदान ते सुतंत्रता संग्राम च उंदी भूमिका पर आधारित इक्क नमैश, टकोहदी डाक्युमेंट्री ते यादगीरी डाक टिकट जारी कीता जाग।

<><><><><><>

Taiwan-Nuclear

ताइवान इच हाल च गै बंद कीते गेदे इक परमाणु उर्जा संयंत्र गी परतियै चालू करने लेई जनमत संग्रह वैधानिक तौर पर पास नेही होई सकेया ऐ। अजे कि विरोध करने आहलें दे मकाबले एहदे हक्के च मते लोकें मतदान कीता ऐ।

ताइवान दे केंद्री चुनां आयोग दे आंकड़ें थमां पता लग्गा ऐ जे संयंत्र गी परतियै चालू करने दे हक्के च 43 लक्ख कोला मते ते एहदे बरोध च 15 लक्ख कोला मते लोकें वोट पाया, पर प्रस्ताव पारित होने लेई दर्ज मतदाताएं दे इक चौथाई जेड़ा तकरीबन 50 लक्ख लोकें दे समर्थन दी लोड़ ही हासल नेई होई सकेया।

<><><><><><>

PM-Fiji

फिजी दे प्रधानमंत्री सिटिवेनी लिगामामादा राबुका भारत ेद त्रै दिनी दौरे लेई अज्ज बडुलै नमी दिल्ली पुज्जे। श्री राबुका हुंदे कन्नै आए दे मंत्रीमंडल च सेहत ते मेडिकल सेवा, मंत्री रातू अटोनियो लालवालावु सने आला अफसर शामिल ना। विदेश मंत्रालय नै इक बयानै च दस्सेआ जे प्रधानमंत्री राबुका हुंदी भारत दी एह पैहली जात्तरा ऐ। श्री राबुका कल प्रधानमंत्री नरेंद्र मोदी हुंदे कन्नै गल्लकत्थ करंगन। उंदा राष्ट्रपति द्रौपदी मुर्मू हुंदे कन्नै बी मलाटी लाने द कार्जक्रम ऐ।

<><><><><><>

Postal-VS

संचार मंत्रालय तहत भारत दे डाक मैहकमे नै इस म्हीने दी 25 तरीक थमां अमरीका दी सब्बै डाक सामग्री दी आपूर्ति, आरजी तौरा पर निलंबित करने दा फैसला लैता ऐ। एह फैसला अमरीकी सरकार दे उस कार्जकारी हुक्म मगरा आया ऐ जेदे तैहत 800 डालर तगर दे मुल्ल दे समानै पर शुल्क माफी छूट इस म्हीने दी 29 तरीक थमां परताई लैती जाग।

<><><><><><>

Afghanistan-Attack

अफगानिस्तान दे ट्रांसपोर्ट ते सिविल हवाबाजी मंत्रालय नै बपार कारोबार गी शैल सखल्ला बनाने ते अफगान नागरिकें गी बेहतर सेवा प्रदान करने लेई गोआंडी ते क्षेत्रीय मुल्ले च नमें ट्रांसपोर्ट अताशी नियुक्त करने दी योजना दी घोषणा कीती ऐ।

मंत्रालय दे इक प्रवक्ता हिक्मत उल्लाह आसिफी होरें आखेआ ऐ जे उज्बेकिस्तान, ईरान, पाकिस्तान, तुर्कमेनिस्तान ते ताजिकिस्तान च ट्रांसपोर्ट अताशी दे पद ऐन, अजें कि हुनै तगर छडे पाकिस्तान दे पेशावर ते क्रेटा च गै प्रतिनिधिं दी नियुक्ति कीती गई ऐ ते एहदे होरनें देशें च विस्तार करने दे जत्त जारी ना।

<><><><><><>

Iran-Terrorist

ईरान दे सुरक्षा बलें दक्खन पूर्वी प्रांत सिस्तान ते बलूचिस्तान च इक आतंकी गुट दा सफाया करदे होई 6 आतंकवादिं दी मारी मकाया ऐ। एहदे अलावा 2 होर आतंकवादिं गी जींदा फगडी लैता गया ऐ। 7 गैर ईरानी आतंकी पिछले दिनें देसै दे पूर्वी बन्ने सवां ईरान च दाखल होए हे। इन्दे कश कई चाल्ली दे थेहार गोला-बरूद ते विस्फोटक उपकरण हे।

आतंकवादिं सवां जब्त कीते गेदे समेयान च Lazer Guided grenade launcher, अमरीका च बनी दी मशीन गन, ग्रेनेड, विस्फोटक जैकट, भारी मात्रा च गोला-बरूद ते कई गड्डियां ते मोटर साइकल शामिल ना। पाकिस्तान ते अफगानिस्तान दे बन्ने कन्नै लगदे प्रांत सिस्तान ते बलूचिस्तान च हाल दे समें च नागरिकें ते सुरक्षा बलें गी शाना बनाइयै कई हमले होए ना।

<><><><><><>

Asian-Shooting

कजाखस्तान दे शिमकंद च 16मीं एशियाई निशानेबाजी च भारत दे सीनियर जूनियर ते युवा वर्ग दी 10 मीटर एयर राइफल मिक्स्ड टीमै मकाबले च सुन्ने दे त्रै तगमे जित्ती लैती ना। इनेंगी रलाइयै भारत 23 सुन्ने दे, चांदी दे 8 ते 10 तगमे जित्तियै पैहली थाहरै पर ऐ। सीनियर वर्ग च इलावेनिल वालारिवन ते अर्जुन बबूता नै खताबी मकाबले च चीन गी 11 दे मकाबले 17 अंके कन्नै हराया। सीनियर वर्ग च शांभवी क्षीर सागर ते नारायण प्रणव नै चीन दी टीम गी 16-12 कन्नै हराया।

<><><><><><>

US-Tennis

अमरीकी ओपन टेनिस दा 145मां संस्करण अज्जै थमां न्यूयार्क च रम्भ होग। मर्दे दे सिंगल्स च इटली दे यानिक सिनर, स्पेन दे कार्लोस अल्काराज, चौं बारी दे चैंपियन सर्बिया दे नोबाक जोकोविच ते जर्मनी दे एलेक्जेंडर जेवरेव अपनी-अपनी चुनौती पेश करंगन। महिलाएं च बेलारूस दी आर्यना सवालेंका, पोलैंड दी इगा स्वीयाटेक अमरीका दी कोको गाफ मैदान च अपना दमखम दस्संगन।

<><><><><><>

Weather

मौसम विभाग नै अज्ज पूर्वी राजस्थान च बड़ी मती तेज बरखा दा रेड अलर्ट जारी कीता ऐ। मैहकमे नै हरियाणा, चंडीगढ़, दिल्ली, उत्तराखंड, राजस्थान, पूर्वी एम.पी ते गुजरात च नेकें थाहरें पर मौलेधार बरखा दी पेशगोई कीती ऐ। बिहार, झारखंड, छत्तीसगढ़, हिमाचल प्रदेश, पंजाब, उत्तर प्रदेश, जम्मू-कश्मीर, लद्दाख, कोंकण, गोवा ते मध्य महाराष्ट्र सने पूर्वोत्तर राज्यें दियें नेकें थाहरें पर तेज बरखा बरी सकदी ऐ। मौसम विभाग मूजब बिहार, पच्छिम बंगाल, जम्मू-कश्मीर, लद्दाख, कर्नाटक, तेलंगाना, अंडमान-निकोबार द्वीप समूह ते पच्छिम मध्य प्रदेश च नेकें थाहरें पर अज्ज तेज हवा ते गर्जो-गर्जी कन्नै तेज बौछारां पेई सकदियां न।

<><><><><><>